

四庫全書

集部

欽定四庫全書

集部

御定全唐詩卷六百

四十七至
五十

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官庶吉士臣范鏊

謄錄監生臣戴祖覃

欽定四庫全書

御定全唐詩卷六百四十七

胡曾

胡曾邵陽人咸通中舉進士不第嘗為漢南從事安定集十卷詠史詩三卷今合編詩一卷

草檄荅南蠻有詠

辭天出塞陣雲空霧捲霞開萬里通親受虎符安宇宙
誓將龍劍定英雄殘霜敢冒高懸日秋葉爭禁大段風

為報南蠻須屏跡不同蜀將武侯功

寒食都門作

二年寒食住京華
寓目春風萬萬家
金絡馬銜原上草
玉顏一作人折路傍花
軒車競出紅塵合
冠蓋爭回白日斜
誰念都門兩行淚
故園寥落在長沙

薄命妾

阿嬌初失漢皇恩
舊賜羅衣亦罷薰
倚枕夜悲金屋雨
卷簾朝泣玉樓雲
宮前葉落鴛鴦瓦
架上塵生翡翠裙

龍騎不巡時漸久長門空

一作長

掩綠苔紋

獨不見

玉關一自有氛埃年少從軍竟未回
門外塵凝張樂榭水邊香滅按歌臺
窗殘夜月人何處簾卷春風燕復來

萬里寂寥音信絕

一作斷

寸心爭忍不成灰

交河塞下曲

交河水薄日遲遲漢將思家感別離
塞北草生蘇武泣隴西雲起李陵悲
曉侵雉堞烏先覺春入關山雁獨知

何處疲兵心最苦夕陽樓上笛聲時

車遙遙

自從車馬出門朝便入空房守寂寥玉枕夜殘

一作寒魚

信絕

一作斷

金鈿秋盡雁書遙臉邊楚雨臨風落頭上春

一作秦

雲向日銷芳草又衰還不至碧天霜冷轉無憐

早發潛水驛謁郎中員外

半床秋月一聲雞萬里行人費馬蹄青野霧銷凝晉洞
碧山煙散避秦溪樓臺稍辨烏城外更漏微聞鶴柱西

已是大仙憐後進不應來向武陵迷

贈漁者

不媿人間萬戶侯子孫相繼老扁舟往來南越諳鮫室
生長東吳識蜃樓自為釣竿能遣悶不因萱草解銷憂
羨君獨得逃名趣身外無機任白頭

自嶺下泛鷁到清遠峽作

乘船浮鷁下韶水絕境方知在嶺南薜荔

一作薜蘿

雨餘山

自黛蒹葭煙盡島如藍旦遊蕭帝新松寺夜宿嫦娥桂

影一作舊挂潭不為篋中書未獻便來茲地結茅菴

題周瑜將軍廟

共說生前國步難山川龍戰血漫漫交鋒魏帝旂旂退
委任君一作賢吳王社稷安庭際雨餘春草長廟前風起晚
光殘功勲碑碣今何在不得當時一字看

詠史詩

烏江

爭帝圖王勢已傾八千兵散楚歌聲烏江不是無船渡

耻向東吳再起兵

章華臺

茫茫衰草沒章華
因笑靈王昔好奢
臺土未乾簫管絕
可憐身死野人家

細腰宮

楚王辛苦戰無功
國破城荒霸業空
唯有青春花上露
至今猶泣細腰宮

沙苑

馮翊南邊宿霧開行人一步一襃回誰知此地凋殘柳
盡是高歡敗後栽

石城

古郢雲開白雪樓漢江還遶石城流何人知道寥天月
曾向朱門送莫愁

荆山

抱玉巖前桂葉稠碧谿寒水至今流空山落日猿聲叫
疑是荆人哭未休

陽臺

楚國城池颯已空陽臺雲雨過

一作去

無蹤何人更有襄

王夢寂寂巫山十二重

居延

漠漠平沙際碧天問人云此是居延傳驂一顧猶魂斷

蘇武爭禁十九年

沛宮

漢高辛苦事干戈帝業興隆俊傑多猶恨四方無壯士

還鄉悲唱大風歌

金谷園

一自佳人墜玉樓繁華東逐洛河流
唯餘金谷園中樹殘日蟬聲送客愁

湘川

虞舜南捐萬乘君靈妃揮涕竹成紋
不知精魄遊何處落日瀟湘空白雲

夷門

六龍冉冉驟朝昏
魏國賢才杳不存
唯有侯嬴在時月

夜來空

一作尚

自照夷門

黃金臺

北乘羸馬到燕然
此地何人復禮賢
若問昭王無處所
黃金臺上草連天

夷陵

夷陵城闕倚朝雲
戰敗秦師縱火焚
何事三千珠履客
不能西禦武安君

漢江

漢江一帶碧流長兩岸春風起
綠楊借問膠船何處沒
欲停蘭棹祀昭王

蒼梧

有虞龍駕不西還空委簫韶洞壑

一作府

間無計得知陵

寢處愁雲長滿九疑山

陳宮

陳國機權未可

一作有

涯如何後主恣嬌奢不知即入宮

中一作前井猶自聽吹玉樹花

南陽

世亂英雄百戰餘孔明方此樂耕鋤蜀王不自垂三顧
爭得先生出舊一作草廬

即墨

即墨門開縱火牛燕師營裏血波流固存不得田單術
齊國尋成一土丘

渭濱

岸草青青渭水流子牙曾此獨垂鉤當時未入非熊兆
幾向斜陽歎白頭

五湖

東上高山望五湖雪濤煙浪起天隅不知范蠡乘舟後
更有功臣繼踵無

易水

一旦秦皇馬角生燕丹歸北送荆卿行人欲識無窮恨
聽取東流易水聲

長平

長平瓦震武安初，趙卒俄成戲鼎魚。
四十萬人俱下世，元戎何用讀兵書。

西園

月滿西園夜未央，金風不動鄴天涼。
高情公子多秋興，更領詩人入醉鄉。

長沙

江上南風起白蘋，長沙城郭異咸秦。
故鄉猶自嫌平濕，

何況當時賦鵬人

圯橋

廟算張良獨有餘少年逃難下邳初
逡巡不進泥中履
爭得先生一卷書

銅雀臺

魏武龍興逐逝波高臺空按望陵歌
遏雲聲絕悲風起
翻向樽前泣翠娥

東晉

石頭城下浪崔嵬風起聲疑出地雷何事苻堅太相小
欲投鞭策過江來

吳江

子胥今日委東流吳國明朝亦古丘大笑夫差諸將相
更無人解守蘇州

函谷關

寂寂函關鎖未開田文車馬出秦來朱門不養三千客
誰為雞鳴得放回

武關

戰國相持竟不休
武關纔掩楚王憂
出門若取靈均語
豈作咸陽一死囚

垓下

拔山力盡霸圖隳
倚劍空歌不逝騅
明月滿營天似水
那堪回首別虞姬

郴縣

義帝南遷路入郴
國亡身死亂山深
不知埋恨窮泉後

幾度西陵片月沈

東海

東巡玉輦委泉臺徐福樓船尚未回
自是祖龍先下世不關無路到蓬萊

故宜城

武安南伐勒秦兵疎鑿功將夏禹并
誰謂長渠千載後水流猶入故宜城

成都

杜宇曾為蜀帝王
化禽飛去舊城荒
年年來叫桃花月
似向春風訴國亡

檀溪

三月襄陽綠草齊
王孫相引到檀溪
的盧何處埋龍骨
流水依前遶大堤

青塚

玉貌元期漢帝招
誰知西嫁怨天驕
至今青塚愁雲起
疑是佳人恨未銷

李陵臺

北入單于萬里疆
五千兵敗滯窮荒
英雄不伏蠻夷死
更築高臺望故鄉

河梁

漢家英傑出皇都
攜手河梁話入胡
不是子卿全大節
也應低首拜單于

軹道

漢祖西來秉白旄
子嬰宗廟委波濤
誰憐君有翻身術

解向秦宮殺趙高

漢宮

明妃遠嫁泣西風
玉筋雙垂出漢宮
何事將軍封萬戶
却令紅粉為和戎

豫讓橋

豫讓酬恩歲已深
高名不朽到如今
年年橋上行人過
誰有當時國士心

華亭

陸機西沒洛陽城吳國春風草又青惆悵月中千歲鶴
夜來猶為唳華亭

東山

五馬南浮一化龍謝安入相此山空不知攜妓重來日
幾樹鶯啼谷口風

殺子谷

舉國賢良盡淚垂扶蘇屈死樹邊時至今谷口泉鳴咽

猶似秦人

一作當時

恨李斯

馬陵

墜葉蕭蕭九月天驅兵

一作龍

獨過馬陵前路傍古木蟲

書處記得將軍破敵年

玉門關

西戎不敢過天山定遠功成白馬閒
半夜帳中停燭坐
唯思生入玉門關

滹沱河

光武經營業未興王郎兵草正憑陵
湏知後漢功臣力

不及滹沱一片冰

黃河

博望沈埋不復旋
黃河依舊水茫然
泓流欲共牛郎語

只得一作侍靈槎送上天

鳳皇臺

秦娥一別鳳皇臺
東入青冥更不回
空有玉簫千載後
遺聲時到世間來

五大原

蜀相西驅十萬來，秋風原下久裴回。
長星不為英雄住，半夜流光落九垓。

平城

漢帝西征陷虜塵，一朝圍解議和親。
當時已有吹毛劍，何事無人殺奉春。

汴水

千里長河一旦開，亡隋波浪九天來。
錦帆未落干戈起，惆悵龍舟更不回。

蘭臺宮

遲遲春日滿長空
亡國離宮蔓草中
宋玉不憂人事變
從遊那賦大王風

金牛驛

山嶺千重擁蜀門
成都別是一乾坤
五丁不鑿金牛路
秦惠何由得併吞

望思臺

太子銜冤去不回
臨臯一作馬徒築望思臺
至今漢武銷

魂處猶有悲風木

一作水上來

邯鄲

曉入邯鄲十里春東風吹下玉樓塵青娥莫怪頻含笑
記得當年失步人

箕山

寂寂箕山春復秋更無人到此溪頭棄瓢巖畔中宵月
千古空聞屬許由

會稽山

越王兵敗已山棲豈望全生出會稽何事夫差無遠慮

更一作便開羅網放鯨鯢

不周山

共工爭帝力窮秋因此捐生觸不周遂使世間多感客
至今哀怨水東流

虞坂

悠悠虞坂路欹斜遲日和風簇野花未省孫陽身沒後
幾多騏驎困鹽車

秦庭

楚國君臣草莽間吳王戈甲未東還包胥不動咸陽哭
爭得秦兵出武關

延平津

延平津路水溶溶峭壁巍一作危岑一萬重昨夜七星潭

底見分明神劍化為龍

瑤池

阿母瑤池宴穆王九天仙樂送瓊漿漫矜八駿行如電

歸到人間國已亡

銅柱

一柱高標險塞垣
南蠻不敢犯中原
功成自合分茅土
何事翻銜薏苡冤

關西

楊震幽魂下北邙
關西蹤跡遂荒涼
四知美譽留人世
應與乾坤共久長

高陽池

古人未遇即銜杯所貴愁腸得酒開何事山公持玉節
等閒深入醉鄉來

瀘水

五月驅兵入不毛月明瀘水瘴煙高誓將雄略酬三顧
豈憚征蠻七縱勞

細柳營

文帝鑾輿勞北征條侯此地整嚴兵轅門不峻將軍令
今日爭知細柳營

葉縣

葉公立墓已塵埃
雲矗崇墉亦半摧
借問往年龍見日
幾多風雨送將來

杜郵

自古功成禍亦侵
武安冤向杜郵深
五湖煙月無窮水
何事遷延到陸沈

柯亭

一宿柯亭月滿天
笛亡人沒事空傳
中郎在世無甄別

爭得名垂爾許年

葛陂

長房回到葛陂中人已登真竹化龍莫道神仙難頓學
嵇生自是不遭逢

博浪沙

嬴政鯨吞六合秋削平天下虜諸侯山東不是無公子
何事張良獨報讐

隴西

乘春來到隴山西
隗氏城荒碧草齊
好笑王元不量力
函關那愛一丸泥

白帝城

蜀江一帶向東傾
江上魏我白帝城
自古山河歸聖主
子陽虛共漢家爭

牛渚

溫嶠南歸輟棹晨
燃犀牛渚照通津
誰知萬丈洪流下
更有朱衣躍馬人

朝歌

長嗟墨翟少風流
急管繁絃似寇讐
若解聞韶知肉味
朝歌欲到肯回頭

谷口

一旦天真逐水流
虎爭龍戰為諸侯
子真獨有煙霞趣
谷口耕鋤到白頭

武陵溪

一溪春水徹雲根
流出桃花片片新
若道長生是虛語

洞中爭得有秦人

大澤

白蛇初斷路人通
漢祖龍泉血刃紅
不是咸陽將瓦解
素靈那哭月明中

澠池

日照荒城芳草新
相如曾此挫強秦
能令百二山河主
便作樽前擊缶人

峴山

曉日登臨感晉臣古碑零落峴山春松間殘露頻頻滴

酷似當時

一作初

墮淚人

滎陽

漢祖東征屈未伸滎陽失律紀生焚當時天下方龍戰
誰為將軍作誄文

長城

祖舜宗堯自太平秦皇何事

一作用

苦蒼生不知禍起蕭

牆內虛築防胡萬里城

赤壁

烈火西焚魏帝旗，周郎開國虎爭時。
交兵不假揮長劍，已挫英雄百萬師。

田橫墓

古墓崔巍約路歧，歌傳薤露到今時。
也知不去朝黃屋，祇為曾烹酈食其。

青門

漢皇提劍滅咸秦，亡國諸侯盡是臣。
唯有東陵守高節，

青門甘作種瓜人

姑蘇臺

吳王恃霸棄雄才
貪向姑蘇醉醪醅
不覺錢塘江上月
一宵西送越兵來

息城

息亡身入楚王家
回首春風一面花
感舊不言長掩淚
祇應翻恨有容華

上蔡

上蔡東門狡兔肥
李斯何事忘南歸
功成不解謀身退
直待雲陽血染衣

武昌

王濬戈鋌發上流
武昌鴻業土崩秋
思量鐵鎖真兒戲
誰為吳王畫此籌

鴻溝

虎倦龍疲白刃秋
兩分天下指鴻溝
項王不覺英雄挫
欲向彭門醉玉樓

襄城

恃寵嬌多得自由
驪山舉火戲諸侯
祇知一笑傾人國
不覺胡塵滿玉樓

金陵

侯景長驅十萬人
可憐梁武坐蒙塵
生前不得空王力
徒向金田自捨身

洛陽

一作司空圖詩

石勒童年有戰機
洛陽長嘯倚門時
晉朝不是王夷甫

大智何由得預知

番禺

重岡複嶺勢崔巍一卒當關萬卒回
不是大夫多辨說尉他爭肯築朝臺

汨羅

襄王不用直臣籌放逐南來澤國秋
自向波間葬魚腹楚人徒倚濟川舟

彭澤

英傑那堪屈下僚
便裁門柳事蕭條
鳳皇不共雞爭食
莫怪先生懶折腰

涿鹿

涿鹿茫茫白草秋
軒轅曾此破蚩尤
丹霞遙映祠前水
疑是成川血尚流

洞庭

五月扁舟過洞庭
魚龍吹浪水雲腥
軒轅黃帝今何在
回首巴山蘆葉青

潘冢

夏禹崩來一萬秋水從潘冢至今流當時若訴胼胝苦
更使何人別九州

塗山

大禹塗山御座開諸侯玉帛走如雷防風謾有專車骨
何事茲辰最後來

商郊

鶯囀商郊百草新殷湯遺蹟在荒榛誰知繼桀為天子

便是當初祝網人

傅巖

巖前版築不求伸方寸那希據要津自是武丁安寢夜
一宵宮裏夢賢人

鉅橋

積粟成塵竟不開誰知拒諫剖賢才武王兵起無人敵
遂作商郊一聚灰

首陽山

孤竹夷齊恥戰爭望塵遮道請休兵
首陽山倒為平地應始無人說姓名

孟津

秋風颯颯孟津頭立馬沙邊看水流
見說武王東渡日戎衣曾此叱陽侯

流沙

七雄戈戟亂如麻四海無人得坐家
老氏却思天竺住便將徐甲去流沙

鄧城

鄧侯城壘漢江干自謂深根百世安不用三甥謀楚計
臨危方覺噬臍難

召陵

小白匡周入楚郊楚王雄霸亦咆哮不思管仲為謀主
爭敢言徵縮酒茅

綿山

親在要君召不來亂山重疊使空迴如何堅執尤人意

甘向巖前作死灰

魯城

魯公城闕已丘墟
荒草無由認玉除
因笑臧孫才智少
東門鐘鼓祀鷄鵒

驕驕陂

行行西至一荒陂
因笑唐公不見機
莫惜驕驕輸令尹
漢東宮闕早時歸

夾谷

夾谷鶯啼三月天
野花芳草整相鮮
來時不見侏儒死
空笑齊人失措年

吳宮

草長黃池千里餘
歸來宗廟已丘墟
出師不聽忠臣諫
徒恥窮泉見子胥

摩笄山

春草綿綿岱日低
山邊立馬看摩笄
黃鶯也解追前事
來向夫人死處啼

房陵

趙王一旦到房陵
國破家亡百恨增
魂斷叢臺歸不得
夜來明月為誰升

濮水

青春行役思悠悠
一曲汀蒲濮水流
正見塗中龜曳尾
令人特地感莊周

柏舉

野田極目草茫茫
吳楚交兵此路傷
誰料伍員入郢後

大開陵寢撻平王

望夫山

一上青山便化身不知何代怨離人
古來節婦皆銷朽獨爾不為泉下塵

金義嶺

鑿開山嶺引湘波上去昭回不較多
無限鵲臨橋畔立適來天道過天河

云云亭

一上高亭日正晡
青山重疊片雲無
萬年松樹不知數
若箇蚪枝是大夫

阿房宮

新建阿房壁未乾
沛公兵已入長安
帝王苦竭生靈力
大業沙崩固不難

沙丘

年年遊覽不曾停
天下山川欲遍經
堪笑沙丘纔過處
鑾輿風過鮑魚腥

咸陽

一朝閭樂統羣兗二世朝廷掃地空
唯有渭川流不盡
至今猶繞望夷宮

廢丘山

此水雖非禹鑿開廢丘山下重縈迴
莫言只解東流去
曾使章邯自殺來

廣武山

數罪楚師應奪氣底須多論破深艱
倉皇鬪智成何語

遺笑當時廣武山

長安

關東新破項王歸赤幟悠揚日月旗從此漢家無敵國
爭教彭越受誅夷

鴻門

項籍鷹揚六合晨鴻門開宴賀亡秦樽前若取謀臣計
豈作陰陵失路人

漢中

荊棘蒼蒼漢水湄
將壇煙草覆餘基
適來投石空江上
猶似龍顏納諫時

泚水

韓信經營按鎔鄒
臨戎叱咤有誰加
猶疑轉戰逢勍敵
更向軍中問左車

雲夢

漢祖聽讒不可防
偽遊韓信果罹殃
十年辛苦平天下
何事生擒入帝鄉

高陽

路入高陽感酈生
逢時長揖便論兵
最憐伏軾東遊日
下盡齊王七十城

四皓廟

四皓忘機飲碧松
石巖雲殿隱高蹤
不知俱出龍樓後
多在商山第幾重

霸陵

原頭日落雪邊雲
猶放韓盧逐兔羣
況是四方無事日

霸陵誰識舊將軍

昆明池

欲出昆明萬里師
漢皇習戰此穿池
如何一面圖攻取
不念生靈氣力疲

廻中

武皇無路及昆丘
青鳥西沈隴樹秋
欲問生前躬祀日
幾煩龍駕到涇州

東門

何人知足反田廬
王管東門餞二疏
豈是不榮天子祿
後賢那使久閑居

射熊館

漢帝荒唐不解憂
大誇田獵廢農收
子雲徒獻長楊賦
肯念高皇沐雨秋

昆陽

師克由來在協和
蕭王兵馬固無多
誰知大敵昆陽敗
却笑前朝困楚歌

七里灘

七里青灘映碧層
九天星象感嚴陵
釣魚臺上無絲竹
不是高人誰解登

潁川

古賢高尚不爭名
行止由來動杳冥
今日浪為千里客
看花慙上德星亭

江夏

黃祖才非長者儔
禰衡珠碎此江頭
今來鸚鵡洲邊過

惟有無情碧水流

官渡

本初屈指定中華官渡相持勒虎牙
若使許攸財用足山河爭得屬曹家

灞岸

長安城外白雲秋蕭索悲風灞水流
因想漢朝離亂日仲宣從此向荊州

濡湏橋

徒向濡湏欲受降英雄才略獨無雙天心不與金陵便
高步何由得渡江

豫州

策馬行行到豫州祖生寂寞水空流當時更有三年壽
石勒尋為關下囚

八公山

苻堅舉國出西秦東晉危如累卵晨誰料此山諸草木
盡能排難化為人

下第

翰苑何時休嫁女
文昌早晚罷生兒
上林新桂年年發
不許平人折一枝

贈薛濤

一作王建詩

萬里橋邊女校書
枇杷花下閉門居
掃眉才子知多少
管領春風總不如

御定全唐詩卷六百四十七

欽定四庫全書

御定全唐詩卷六百四十八

方干

方干字雄飛新定人徐凝一見器之授以詩律始舉進士謁錢塘太守姚合合視其貌陋甚卑之坐定覽卷乃駭目變容館之數日登山臨水無不與焉咸通中一舉不得志遂邀會稽漁於鑑湖太守王龜以其亢直宜在諫署欲薦之不果干自咸通得名迄文德江之南無有

及者歿後十餘年宰臣張文蔚奏名儒不第者五人請
賜一官以慰其魂干其一也後進私謚曰玄英先生門
人楊弇與釋子居遠收得詩三百七十餘篇集十卷今
編詩六卷

採蓮

採蓮女兒避殘熱隔夜相期侵早發指剝春蔥腕似雪
畫撓輕撥蒲根月蘭舟遲速有輸贏先到河灣賭何物
纔到河灣分首去散在花間不知處

寄李頻

衆木又搖落望君還不

一作猶未

還軒車在何處

一作處去

雨

雪滿前山思苦文星動鄉遙釣渚閑明年見名姓

一作字

唯我獨何顏

東溪別業寄吉州段郎中

前山含遠翠

一作翠晚

羅列在窗中盡日

一作晝夜

人不到一尊

誰與同涼隨蓮葉雨暑避柳條風豈分長岑

一作孤

寂明

時有至公

懷州客舍

誤飲覃懷酒誰知滯去程朝昏太行色坐卧沁河聲白
道穿秦甸嚴輦似戍城隣雞莫相促遊子自晨征

中路寄喻鳬先輩

求名如未遂白首亦難歸送我尊前一作中酒典君身上

衣寒蕪隨趙盡一作開落葉渡淮稀莫歎一作笑干時晚前

心豈便非

送趙明府還北

故園

一作林

終不住劍竄在扁舟盡室無餘俸還家得白

頭鐘催吳岫曉

一作晚

月遶

一作照

渭河流曾是棲安邑恩

期異日酬

過朱協律故山

地下無餘恨人間得盛名殘篇續大雅稚子托諸生度
日山空暮緣溪竄自鳴難收故交意寒笛一聲聲

途中寄劉沆

一作寄
朱特

登車誤相遠談笑亦何因路入瀟湘樹書隨巴蜀人歛

衣寒犯雪傾篋病看春莫負髫年志清朝作一作有獻臣

送班主簿

一作少府

入謁荆南韋常侍

一作盧尚書

束書成遠去還計莫經春倒篋唯求醉登舟自笑貧波
移彭蠡月樹沒漢陵人試吏曾趨府旌幢自可一作易得親

夏日登靈隱寺後峰

絕頂無煩暑登臨三伏中深蘿難透日喬木更含風山
疊雲霞際川傾世界東那知茲夕興不與古人同

聽新蟬寄張晝

細聲頻斷續審聽亦難分
髣髴應移處從容却不聞
蘭樓朝咽露樹隱暝吟雲
莫一作遣鄉愁起吾懷祇是一作

似君

送喻坦之下第還江東

文戰偶未勝無令移壯心
風塵辭帝里舟楫到家林
過楚寒方盡浮淮月正沈
持杯話來日不聽洞庭砧

送姚舒下第遊蜀

蜀路何迢遞憐君獨去遊
風煙連北虜山水似一作勝東

甌九折盤荒坂重江遶漢州臨邛一壺酒能遣

一作長

卿愁

旅次錢塘

此地似鄉國堪為朝夕吟雲藏吳相廟樹引越山禽潮
落海人散鐘遲秋寺深我來無舊識誰見寂寥心

別喻鳧

知心似古人歲久分彌親離別波濤闊留連槐柳新墓

陵寒

一作武陵閑

貫酒漁浦夜垂綸自此星居後音書豈厭

頻

送相里燭

相逢未作期相送定何之不得長年少那堪遠別離泛
湖乘月早踐雪過山遲永望多時立翻如在夢思

君不來

閑花未零落心緒已紛紛久客無人見新禽何處聞舟
隨一水遠路出萬山分夜月生愁望孤光必照君

將謁商州呂

一作李

郎中道出楚州留獻章

一作章

中丞

江流盤復直浮棹出家林
商洛路猶遠山陽春已深
青雲應有一作可望白髮未相侵
才小知難薦終勞許郭心

金州客舍

卷箔羣

一作雲

峰暮蕭條未掩關
江流嵒嶮雨路

一作帆入

漢家

一作陰

山落葉歌眠後
孤砧倚望間
此情偏耐醉難

遣酒壘閒

途中逢孫輅因得李頻消息

灞上寒仍在，柔條亦自新。山河雖度臘，雨雪未知春。正

憶同袍者，堪逢共國人。銜杯益一作亦無語，與爾轉相親。

送從兄部

一作韋部一作途中別孫璐

道路本無限，又一作更應何處逢。流年莫虛擲，華髮不相

容。野渡波搖月，空一作寒城雨翳鐘。此心隨去馬，一作去鳥迢

遞過千峰。一作重

送許溫

一作渾

壯歲分罽

一作彌

切少

一作髫

年心正

一作即

同當聞千里去

難遣一尊空翳燭蒹葭雨吹帆橘柚風明年見親族盡

冬一作集在懷中

鏡中別業二首

一作鏡湖
西島閑居

寒山

一作居

壓鏡心此處是家林梁燕窺

一作點

春醉啜猿

學夜吟雲連平地起月向白波沈猶自聞鐘角棲身可
在深

世人如不容吾自縱天慵落葉憑風掃香杭倩水春花

朝連郭霧雪夜隔湖鐘身外

一作在

無能事頭宜白此峰

經周處士故居

愁吟與獨行何事不傷

一作闕

情久立釣魚處唯聞啼鳥

聲山蔬和草嫩

一作雨歇

海樹入籬

一作雲

生吾在茲溪上懷

君恨不平

贈喻鳧

所得非衆語衆人那得知纔吟五字句又白幾莖髭月
閣欹眠夜霜軒正坐時沈思心更苦恐作滿頭絲

早發洞庭

長天接廣澤，二氣共含秋。舉目無平地，何心戀直鉤。孤鐘鳴大岸，片月落中流。却憶鴟夷子，當時此泛舟。

貽錢塘縣路明府

一作感懷

志業

一作至學

不得力到

一作至

今猶苦吟，吟成五字句，用破

一生心。世路屈聲遠

一作滿

寒

一作雲

溪怨

一作冤

氣深前賢

多晚達，莫怕鬢霜侵。

湖上言事寄長城喻明府

吟霜與卧雲，此興亦甘貧。吹箭落翠羽，垂絲牽錦鱗。

一作

燕草蒸菰米
垂絲釣錦鱗
滿湖風撼月
半日雨藏春
却笑紫簪組
勞

心字遠人

涵碧亭

洋州于中丞
宰東陽日置

高低竹雜松
積翠復留風
路極一作陰溪裏
寒生暑氣

中閑雲低覆
草片水靜涵
空方見洋源
牧心侔造化
功

除夜

永懷難自問
此夕衆愁興
曉韻侵春角
寒光隔歲燈
心
燃一寸火
淚結兩行冰
煦育誠非遠
陽和又欲昇

贈許贖山人

才子醉更逸一吟傾一觴
支頤忽有得搖筆便成章
王粲實可重襮衡爭不狂
何時應會面夢裏是瀟湘

贈功成將

定難在明畧何曾勞戰爭
飛書諭強寇計日下重城
深雪移軍一作營夜寒笳一作沙
出塞情苦心殊易老新髮早

年生

白

一作自

艾原客

原上桑柘瘦再來還見貧滄州幾年隱白髮一莖新敗
葉平空墜殘陽滿近隣閑言說知己半是學禪人

朔管

寥寥落何處一夜過胡天送苦秋風外吹愁白髮邊望
鄉皆下淚久戍盡休眠寂寞空沙曉開眸片月懸

憶故山

舊山長繫念終日卧邊亭道路知己遠夢魂空再經秋
泉涼好引乳鶴靜宜聽獨上高樓望蓬身且未一作寧

冬夜泊僧舍

江東寒近臘野寺水天昏無酒能消夜隨僧早閉門
照墻燈焰細著瓦雨聲繁漂泊仍千里清吟欲斷魂

新秋獨夜寄戴叔倫

遙夜獨不卧寂寥庭戶中河明五陵上月滿九門東
萬里親朋散故園滄海空歸懷正南望此夕起秋風

送沛縣司馬丞之任

舉酒一相勸逢春聊盡歡
羈遊故交少遠別後期難路

上野花發雨中青草寒悠悠兩都夢小沛與長安

送盧評事東歸

一作戴叔倫詩題
云送友人東歸

萬里楊柳色出關隨故人輕煙覆一作拂流水落日照行

塵積夢江湖闊憶家兄弟貧裴回灞亭上不語共傷春

清明日送鄧芮還鄉

一作戴叔倫詩

鐘鼓喧離室車徒促

一作從

夜裝曉榆

一作厨

新變火輕柳

暗飛霜轉鏡看華髮傳杯話故鄉每嫌兒女泪今日自

沾裳

御定全唐詩卷六百四十八

欽定四庫全書

御定全唐詩卷六百四十九

方干

送崔拾遺出使江東

九門思諫諍萬里采風謠
關外逢秋月天涯過晚潮
雁飛雲杳杳木落浦蕭蕭
空怨他鄉別回舟暮寂寥

重陽日送洛陽李丞之任

為文通絕境從宦及良辰
洛下知名早腰邊結綬新
且

傾浮菊酒聊拂染衣塵獨恨滄州侶愁來別故人

江州送李侍御歸東洛

獨乘驄馬去不並旅人還中外名卿貴田園高步閑暮
春經楚縣新月上淮山道路空瞻望軒車不敢攀

送郭太祝歸江東

鄉人去欲盡北雁又南飛京洛風塵久江淮音信稀舊
山知獨往一醉莫相違未得解羈旅無勞問是非

送李恬及第後還貝州

成名年少日就業聖人書擢桂誰相比
簾金已不如東城送歸客秋日待征車
若到清潭畔儒風變里閭

收兩京後還上都無訪一二親故

離堂千里客歸騎五陵人路轉函關晚
煙開上苑新天涯將野服闕下見鄉親
問得存亡事裁詩寄海濱

送汶上王明府之任

何時到故鄉歸去佩銅章親友移家盡
閭閻百戰傷背關餘草木出塞足風霜
遺老應相賀知君不下堂

湖南使院遣情送江夏賀侍郎

雲雨一消散悠悠關復河俱從泛舟役遂隔洞庭波楚
水去不盡秋風今更過無由得相見却恨寄書多

過申州作

萬人曾死戰幾戶免刀兵

一作幾處
見休兵

井邑初安堵兒童

未長成涼風吹古木野火燒

一作入

殘營寥落千餘里山

高水復清

汝南過訪田評事

移家近漢陰不復問華簪
買酒宜城遠燒田夢澤深
暮山逢鳥入寒水見魚沈
與物皆無累終年愜本心

送道上人遊方

律儀通外學詩思入玄關
煙景隨人別風姿與物閒
貫花留靜室咒水度空山
誰識浮雲意悠悠天地間

送饒州王司法之任兼寄朱處士

莫辭一作愁還作吏且喜速回車
留醉悲殘歲含情寄遠

書共看衰老近轉覺宦名虛
遙想清溪畔幽人得自如

詹磻山居

愛此棲心靜風塵路已賒十餘莖野竹一兩樹山花遶
石開泉細穿蘿引徑斜無人會幽意來往在煙霞

曉角

畫角吹殘月寒聲發戍樓立霜嘶馬怨攢磧泣兵愁燕
雁鳴雲畔胡風冷草頭罷聞三會後天迴曉星流

冬日

燒火掩關坐窮居客訪稀凍雲愁暮色寒日淡斜暉穿

牖竹風滿遠庭雲葉飛已嗟周一歲羈寓尚何依

殘秋送友

早為千里別況復是秋殘木葉怨先老江雲愁暮寒交
情如水淡離酒泛杯寬料想還家後休吟行路難

客行

藕葉綴為衣東西泣路岐鄉心日落後身計酒醒時觸
目多添感凝情足所思羈愁難盡遣行坐一低眉

秋夜

度鴻驚睡醒欹枕已三更夢破寂寥思燈殘零落明空
窓閑月色幽壁靜蟲聲況是離鄉久依然無限情

新月

入夜天西見蛾蟠冷素光潭魚驚釣落雲雁怯弓張隱
隱臨珠箔微微上粉墻更憐三五夕仙桂滿輪芳

滁上懷周賀

就枕忽不寐孤懷興歎初南譙收舊歷上苑絕來書

一作

已經天目歲暝雪細一作雨聲積晨鐘寒韻疎侯門昔彈
未寄漢陽書

缺曾共食江

一作魚

寄石湓清越上人

寺處唯高僻雲生石枕

一作枕石

前靜吟因

一作應

得句獨夜

不妨禪窗按停猿樹巖飛浴鶴泉相思有書札俱倩獵人傳

陳式水墨山水

造化有功力平分歸筆端溪如冰後聽山似燒來看立

意雪髯

一作霜髯

出支頤煙汗

一作汁

乾世間從爾後應覺致

名難

陳秀才亭際木蘭

昔見初栽日今逢成樹時
存思心更感遠看步還遲
蝶舞搖風藥鶯啼含露枝
裴回不忍去應與醉相宜

贈鏡公

一作旅次錢塘

幽獨度遙夜夜清神更閑
高風吹越樹一作國細露濕一作

雨暗湖山月皎微吟後鐘鳴不寐間
如教累簪組比興豈

相關

登雪竇僧家

一作書竇
雲禪者壁

登寺尋盤道人煙遠更微石窗秋見海山靄暮侵衣衆
木隨僧老高泉盡日飛誰能厭軒冕來此便忘機

途中逢進士許巢

聲望

一作
價

去已遠門

一作
問

人無不知義行相識處貧過

少年時妨寐夜吟苦愛閒身達遲難求似君者我去更
逢誰

贈瑪瑙山禪者

一作贈瑪瑙
禪師歸京

彷彿一作蒲草不停獸因師山更靈村林朝乞食風雨夜開

扁井味兼松粉雲根著淨瓶塵勞如醉夢對此暫能醒

訓故人陳又都

遠別那無夢重遊自有期半年鄉信到兩地赤一作客心

知坐久吟移調更長硯結斯文人才力薄終怕阿戎欺

閏春一作月

幕幕復蒼蒼微和傍早陽前春寒一作惜已盡待閏日

猶長柳變雖因雨花遲宜為霜自茲延聖歷誰不駐年

光

方著作畫竹

疊葉與高節俱從毫末生流

一作留

傳千古譽研鍊十年

情向月本無影臨風疑有聲吾家釣臺畔

一作磯側

似此兩

三莖

題友人山花

平明

一作藥萌

方發盡

一作盡

為待

一作得

好風吹不見移來日

先愁落

一作花

去時濃香薰疊葉繁朵壓卑

一作歌

枝坐

一作

來
看皆終夕遊蜂似一作自有期

贈詩僧懷靜一作觀

幾一作多

生餘習在時復作一作却

微吟坐夏莓苔合

一作匪

行禪檜柏深入山成白首學道是初心心地不移變徒

云一作勞

寒暑侵

贈許贖秀才

理論與妙用皆從人外來山河澄正氣雪月助宏才傲

世寄漁艇藏名歸酒杯升沈在方寸即恐起風雷

送于丹

至業是至寶莫過心自知時情如甚暢天道即無私入

洛霜霰苦離家蘭菊衰焚舟

一作營州

不回顧薄暮又何之

送人遊

一作之

日本國

蒼茫大荒外風教

一作勢

即難知連夜揚帆去經年到岸

遲波濤含

一作吞

左界星斗定東維

一作東夷證

或有歸風便

當為相見期

東溪言事寄于丹

日月晝夜轉年光難駐留軒窓才過雨枕簟即知秋草

一作天

際鳥

一作雁

行出溪中虹影收唯君壯心在應笑卧

滄洲

暮發七里灘夜泊嚴光臺下

一瞬即七里箭馳猶是難檣邊走嵐翠枕底失風端但
訝猿鳥定不知霜月寒前賢竟何益此地誤垂竿

處州洞溪

氣象四時清無人畫得成衆山寒疊翠兩派綠分聲坐

月何曾夜聽松不似晴
混元政結後便有此溪名

稱心寺中島

水木深不極似將星漢連
中州唯此地上界別無天
雪折停猿樹花藏浴鶴泉
師為終老意日日復年年

歲晚苦寒

地氣寒不暢嚴風無定時
挑燈青燼少呵筆尺書遲
白兔沒已久晨雞僵未知
竚看開聖厯暄煦立為期

杜鵑花

未問移栽日先愁落地時疎中從間葉密處莫燒枝郢
客教誰探胡蜂是自知周回兩三步常有醉鄉期

山中

散拙亦自遂麤將猿鳥同飛泉高瀉月獨樹迴含風果
落盤盂上雲生篋笥中未甘明聖日終作釣漁翁

路支使小池

兒童戲穿鑿咫尺見津涯蘚岸和纖草松泉濺淺沙光
含半牀月影入一枝花到此無醒日當時有習家

清源標公

師為衆人重始得衆人師年到白頭日行如新戒時瓶
添放魚澗窗迴裏猿枝此地堪終老迷癡自不知

題雪竇禪師壁

一作贈雪
竇峰禪師

飛泉

一作
流

澣禪石瓶注

一作
履履

亦

一作
每

生苔海上山不淺

天邊人自來長年隨檜柏獨夜任風雷獵者聞疎磬知
師入定迴

重寄金山寺僧

風濤匝山寺，磬韻達漁船。
此處別師久，遠懷無信傳。
月華妨靜燭，鳥語答幽禪。
已見如如理，灰心應不然。

哭胡珪

才高登上第，孝極歿廬塋。
一命何無定，片言徒有聲。
故園花自發，新塚月初明。
寂寞重泉裏，豈知春物榮。

與清溪趙明府

清規暫趨府，獨立與誰親。
遂性無非酒，一作醉求閑却愛

貧林泉。應入夢，印綬莫留人。
王事聞多暇，吟來幾首一作

句新

送剡縣陳永秩滿歸越

俸祿三年後程途一月間
舟中非客路鏡裏是家山
密雪霑行袂離一作叢杯變別顏
古人唯賀滿今挈解由還

示鄉叟

暮齒甘衰謝逢人惜別離
青山前代業老樹此身移
買藥將衣盡尋方見字遲
如何鑷殘鬢覽鏡變成絲

遊竹林寺

得路到深寺幽虛曾識名
蘇濃陰砌古煙起暮香生曙
月落松翠石泉流梵聲聞僧說
真理煩惱自然輕

陸處士別業

問道遠相訪無人覺路長
夜深回釣櫂月影出書牀
蟬噪蓼花發禽來山果香
多時欲歸去西望又斜陽

贈中岳僧

坐來藜木大誰見入岳年
多病長留藥無憂亦是禪
搭牀移片石春粟引高泉
盡願求心法逢誰即擬傳

一作老去

唯多病寒來忽廢禪
夜雲侵靜燭枯
葉落澄泉盡擬求心法
當期早晚傳

寄普州賈司倉島

亂山重復疊何路

一作處

訪先生豈料多才者
空垂不世

一作第

名一作思歸應病成
普揀我先

生冤氣終不散嘉言徒擅名
間曹猶得醉薄俸

亦勝耕莫問吟詩石
年年芳草平

送鏡空上人遊江南

去住如雲鶴飄然不可留
何山逢後夏一食在孤舟
細

雨蓮塘晚疎蟬橘岸秋

一作細雨隋宮
晚蟬聲漢樹秋

應懷舊溪月夜

過石窗流

新正

華門惆悵內

一作日

時節暗來頻每見新正雪長思故國

春雲西斜去雁江上未歸人又一年為客何媒得到秦

夜聽步虛

寂寂永宮裏天師朝禮聲步虛開一曲渾欲到三清瑞
草秋風起仙堦夜月明多年遠塵意此地欲鋪平

題碧溪山禪老

一作贈鶴
隱寺僧

師步有雲隨師情唯鶴知羅迷收菜

即末也

路雪隔出溪

時竹狄窺沙井巖禽停檜枝由來傲卿相卧穩答書遲

寒食宿先天寺無可上人房

雙扉檜下開寄宿石房苔幡北燈花動城西雪霰來收
恭想雲夢罷茗議天台同憶前年臘師初白閣回

中秋月

涼霄煙靄外三五玉蟾秋列野星辰正當空鬼魅愁泉
澄寒魄瑩露滴冷光浮未折青青桂吟看不忍休

暮冬書懷呈友人

一作喻
昆詩

空為梁甫吟誰竟是知音風雪生寒夜鄉園來舊心
滄江孤棹迴白閣一鐘深君子久忘我此懷甘自沈

贈江南僧

忘機室亦空禪興沃州同唯有半庭竹能生竟日風
思山海月上出定印香終繼後傳衣者還須立雪中

柳

搖曳慈風吹臨堤軟勝絲態濃誰為

一作識力弱自難

持學舞枝翻袖呈妝葉展眉如何一攀折懷友又題詩

送姚合員外赴金州

受詔從華省開旗發帝州野煙新驛曙殘照古山秋樹
勢連巴沒江聲入楚流唯應化行一作行化後吟句上閑樓

送江陰霍明府之任

遙遙去舸新浸郭葦蕪蘋樹列巢灘鶴鄉多釣浦人虹
分陽羨雨浪隔廣陵春知竟三年秩琴書外是貧

送友及第歸淞東

一作送王羽登科後歸江東
又見戴叔倫集題作送王翁

信及第後歸
江東舊隱

南行無俗侶秋雁與寒雲野趣

一作性

自多愜鄉名

一作名香

人共聞吳山中路斷淞水半江分此地登臨慣

一作含

情一送君

山中即事

超世非身事山中適性情野花多異色幽鳥少凡聲樹影搜涼卧苔光破碧行閒尋採藥處仙路漸分明

過黃州作

弭節齊安郡孤城百戰殘
傍村林有虎帶郭縣無官
暮角梅花怨清江桂影寒
黍離緣底事撩我起長歎

御定全唐詩卷六百四十九

欽定四庫全書

御定全唐詩卷六百五十

方干

元日

晨雞兩遍報更闌
刁斗無聲曉漏乾
暖日映山調正氣
東風入樹舞殘寒
軒車欲識人間感
獻歲須來帝里看
纔酌屠蘇定年齒
坐中惟笑鬢毛班

別從兄郛

展翅開帆祇待風吹噓成事古今同已呼斷雁歸行裏
全勝枯鱗在轍中若許死前恩少報終期言下命潛通
臨岐再拜無餘事願取文章達聖聰

寄江陵王少府

分手頻曾變寒暑迢迢遠意各何如波濤一阻兩鄉夢
歲月無過雙鯉魚吟處落花歲筆硯睡時斜雨濕圖書
此一作來俗輩皆疎我唯有故人心不疎

題睦州烏龍山禪居

曙後

一作暑夜

月華猶冷濕自知坐卧逼天

一作星

宮晨雞未

暇鳴山底早日先來照屋東人世驅馳方丈內海波搖

動一杯中伴師長住應難住歸去仍須入俗籠

寄杭州于郎中

雖云聖代識賢明

一作名

自是山河應數生大雅篇章無

弟子高門世業有公卿入樓早月中秋色遶郭寒潮半

夜聲白屋青雲至懸閣愚儒肝膽若為傾

寄靈武胡常侍

青雲直上路初通已在明君倚注中欲遣為霖安九有
先令作相贊東宮自從忠讜承天眷更用文篇續國風
最是何人感恩德謝敷星下釣漁翁

上張舍人

海內芳聲誰可竝承家三代相門深剖符已副東人望
援筆曾傳聖主心此地清廉惟飲水四方焦熱待為霖
他年莫學鷗夷子遠泛扁舟用鑄金

題慈溪張丞壁

因君貳邑藍溪上遣我維舟紅葉時共向鄉中非半面
俱驚鬢裏有新絲
竚看孤一作廉潔成三考應笑愚疎捨

一枝貌似故人心尚喜相逢況是舊相知

贈鄰居袁明府

隔竹每呼皆得應二心親熟更如何文章鍛鍊猶相似
年齒參差不校多雨後卷簾看越嶺更深欹枕聽湖波
朝昏幸得同醒醉遮莫光陰自下坡

孫氏林亭

池亭纔有二三畝風景勝於千萬家瑟瑟林排金菴竹
猩猩血染半園花竝牀欹枕逢春盡援筆持杯到日斜
卅角相知成白首而今歡笑莫咨嗟

漳州陽亭言事寄于使君

謝守登城對遠峰金英泛泛滿金鐘樓頭風景八九月
牀下水雲千萬重紅旆朝昏雖許近清才今古定難逢
鯉魚縱是凡鱗鬣得在膺門合作龍

別胡中丞

二年朝夜見雙旌
心魄知恩夢亦驚
幽賤麤能分菽麥
從容宜合遇公卿
吹噓若自毫端出
羽翼應從肉上生
却恨此身唯一死
空將一死報猶輕

遊張公洞寄陶校書

步步勢穿江底去
此中危滑轉身難
下蒸陰氣松蘿濕
外制溫風杖屨一作履
寒數里煙雲方覺異
前程世界更應寬
由來委曲尋仙路
不似先生換骨丹

題睦州郡中十峰樹

豈知平地似天台朱戶深沈別徑開
曳響露蟬穿樹去斜行沙鳥向池來
窗中早月當琴榻牆上秋山入酒杯
何事此中如世外應緣羊祜是仙才

登新城縣樓贈蔡明府

楊震東來是宦遊政成登此自消憂
草中白道穿村去樹裏清溪照郭流
縱目四山宜永日開襟五月似高秋
不知縣籍添新戶但見川原桑柘稠

和于中丞登扶風亭

避石攀蘿去不迷，行時舉步似丹梯。
東軒海日已先照，下界晨雞猶未啼。
郭裏雲山全占寺，村前竹樹半藏溪。
謝公吟望多來此，此地應將峴首齊。

贈信州高員外

溪勢盤回繞郡流，饒陽

一作曉光

春色滿溪樓。豈唯啼鳥催

人醉，更有繁花香客愁。蹇拙命中迷直道，仁慈風裏駐

扁舟。膺門若感深恩去，終殺微軀未足

一作是酬

漳州。于使君罷郡如之任，漳南去上國二十四

州使君無非親故

漳南罷郡如之任二十四州相次迎泊岸旗幟郵吏拜
連山風雨探人行月中倚棹吟漁浦花底垂鞭醉鳳城
聖主此時思共理又應何處救蒼生

送弟子五秀才赴舉

天遣相門延積慶今同太廟薦嘉賓柳條此日同誰折
桂樹明年為爾春倚棹寒吟漁浦月垂鞭醉入鳳城塵
由來不要文章得要且文章出衆人

貽高讜

都緣相府有宗兄，却恐妨君正路行。
石上長松自森秀，雪中孤玉更凝明。
西陵曉月中秋色，北固軍聲半夜聲。
幸有清才與洪筆，何愁高節不公卿。

題長洲陳明府小亭

坐看孤峭却勞神，還是微吟到日曛。
松鶴認名呼得下，沙蟬飛處聽猶聞。
夜闌亦似深山月，雨後唯聞滿屋雲。
便此逍遙應不易，朱衣紅旆未容君。

送朱二十赴漣水

到縣却應嫌水闊
離家終是見山疎
笙歌不駐難辭酒
舟楫將行負擔書
為政必能安楚老
向公猶可釣淮魚
鸞鳳取便多如此
掠地斜飛上太虛

德政上睦州胡中丞

上德由來合動天
旌旗到日是豐年
羣書已熟無人似
五字研成舉世傳
莫道政聲同宇宙
須知紫氣滿山川
豈唯里巷皆蘇息
猶有恩波及釣船

袁明府以家醞寄余余以山梅答贈非唯四韻
兼亦雙闕

封匏寄酒提携遠織籠盛梅答贈遲九度攪和誰用法
四邊窺摘自攀枝罇壘泛蟻堪嘗日童稚驅禽欲熟時
畢卓醉狂潘氏少傾來擲去恰相宜

上杭州姚郎中

能除

一作消

疾癘似良醫一郡鄉風當日移身貴久離行

藥

一作樂

伴才高獨作後人師春遊下馬皆成醺吏散看

山即有詩借問公方與文道而今中夏更傳誰

送葉秀才赴舉無呈呂

一作李

少監

君辭舊

一作萬

里一年期藝至心身亦自知尊盡離人看

北斗月寒驚鵲繞南枝書廻冊市砧應絕棹出村潭菊
未衰與爾相逢終不遠昨聞秘監在台墀

自縉雲赴郡溪流百里輕棹一發曾不崇朝叙
事四韻寄獻段郎中

激箭溪湍勢莫憑飄然一葉若為乘仰瞻青壁開天罅

斗轉寒灣避石稜巢鳥夜驚離島樹啼猿畫怯下巖藤
此中明日尋知己恐似龍門不易登

胡中丞早梅

不獨閒花不共時一株寒艷尚參差凌晨未噴含霜朶
應候先開亞水枝芬郁合將蘭竝茂凝明應與雪相宜
一作欺謝公吟賞愁飄落可得更拈長笛吹

牡丹

借問庭芳早晚栽座中疑展畫屏開花分淺淺胭脂臉

葉墮殷殷膩粉腮紅砌不須誇芍藥白蘋何用逞重臺
慙慙為報看花客莫學遊蜂日日來

觀項信水墨

險峭雖從筆下成精能皆自意中生倚雲孤檜知無朽
挂壁高泉似有聲轉扇驚波連岸動迴燈落日向山明
小年師祖過今祖異域應傳項信名

書桃花塢周處士壁

醉吟雪

一作雲

月思深苦思苦神勞華

一作新

髮生自學

古賢修靜節唯應野鶴識高情細泉出石飛難盡孤燭

一作竹和雲濕不明一作鳴何事嬾於嵇叔夜更無書札一作

信答公卿

題桐廬謝逸人一作題廬峰謝山人江居

少小一作清世高眠一作民無一事五侯勲盛欲如何湖邊倚

杖一作竹寒吟苦石上橫琴夜醉多鳥自樹梢隨果落人

從窗外卸帆過由來朝市為真隱可要棲身向薜蘿

叙雪寄喻鳧

密片無聲急復遲紛紛猶勝落花時從容

逡巡一作

不覺歲

苔遲

一作莎渚

宛轉偏宜傍柳絲透室虛明非月照滿空迴

一作

飛散是風吹高人坐卧才方逸援筆應成六出詞

又

一作杜荀鶴

密片繁聲旋不

一作久未

銷縈風雜霰轉飄颻澄江莫蔽長

流色哀柳難粘自動

一作折

條濕氣添寒

一作陰森

酤酒夜素

花迎曙

一作晶耀

卷簾朝此時明

一作行

逕無行人

一作跡唯望

微之問寂寥

哭秘書姚少監

一作姚丞

寒空此夜落文星星落文留

一作存

萬古名入室幾人成

弟子為儒是處哭先生家無諫草逢明代國有遺篇續

正聲曉向平

一作臨曉向

原陳葬禮悲風吹雨濕銘旌

送人宰永泰

北人雖泛南流水稱意南行莫恨賒道路先經毛竹嶺

風煙漸

一作已

近刺桐花舟停漁浦猶為客縣入樵溪似

到家下馬政聲

一作成

王事少應客閑吏日高衙

旅次洋州寓居郝氏林亭

一作楊

舉目縱然非我有思量一作如在故山時鶴盤遠勢投

孤嶼蟬曳殘聲過別枝涼月照窗一作牀欹枕倦澄泉遶

石泛觴遲青雲未得平行去夢到江南身旅羈一作夢到江頭

身在茲

茅山贈洪拾遺

一作高洪贈

聖代諫臣停諫舌求歸一作還故里傲雲霞溪頭講樹纜

一作遺漁艇篋裏朝衣輸一作盡酒家但愛身閑辭祿俸那

嫌歲計在桑麻我來幸與諸生異問答時容近絳紗

睦州

一作題
睦州

呂郎中郡中

一作
內

環溪亭

為是仙才登望處風光便似武陵春閒花半落猶迷蝶
白鳥雙飛不避人樹影興餘侵枕簟荷香坐久著衣巾
暫來此地非多日明主那容借寇恂

贈華陰

一作
山隱者

少微夜夜當仙掌更有何人在此居花月舊應交一作看

浴鶴松蘿本自

一作
主

伴刪書素琴醉去

一作
後

經宵枕裯

髮寒

一作開

來向日梳故國多年歸未遂因逢此地憶吾

廬

上杭州杜中丞

昔用雄才登上第今將重德合明君苦心多為安民術
援筆皆成出世文寒角細吹孤嶠月秋濤橫卷半江雲
掠天逸勢應非久一鶚那棲衆鳥羣

贈

一作上

處州段郎中

幸見仙才領郡初郡城孤峭似仙居杉

一作林

蘿色裏遊

亭榭

一作登臺閣

瀑布聲中閱簿書德重自將天子合情高

元與世人疎寒潭是處清連底賓席何心望食魚

書法華寺上方禪

一作禪師一作僧

壁

砌下松巔有鶴棲孤猿亦在鶴邊啼卧聞雷雨歸巖早

坐見

一作覺

星辰去地低一逕穿綠應就

一作在

郭千花掩

映似無溪是非生死多憂惱此日蒙

一作憑

師為破迷

書吳道隱林亭

蘚榭莎亭蘿篠陰依稀氣象似山林橘枝亞路黃

一作掛香

芭重井脈牽湖碧
甃深稚子遮門留
熟客驚蟬入座避

遊

一作飢

禽四鄰不見孤
高處翻笑騰騰只
醉吟

陪王大夫泛湖

去去凌晨迴見星
木蘭舟穩畫橈輕
白波潭上魚龍氣
紅樹林中雞犬聲
密炬燒殘銀漢昃
羽觴飛急玉山傾
此時檢點諸名士
却是漁翁無姓名

贈會稽張少府

高節何曾似任官
藥苗香潔備常餐
一分酒戶添猶作

應得五字詩名隱即難笑我無媒生鶴髮知君有意

一作

夢憶

一作借

漁竿明年莫便還家去鏡裏雲山且共看

送鄭台處士歸絳巖

榮啟先生挾琴去厭尋靈勝憶巖栖白猿垂樹窗邊月

紅鯉驚鉤竹外溪慣採藥苗供野

一作資素

饌曾書蕉葉寄

新題古賢猶愴河梁別未可忽忽便解攜

因話天台勝異仍送羅道士

積翠千層一徑開遙盤

一作盤紆

山腹到瓊臺藕花飄落前

巖去桂子流從別洞來石上叢林礙星斗窗邊瀑布走
風雷縱云孤鶴無留滯定一作亦恐煙蘿不放廻

哭喻鳧先輩

日夜役神多損壽先生下世未中年撰碑縱託登龍伴
營奠應支賣鶴錢孤壠陰風吹細草空窗濕氣漬殘篇
人間別更無冤事到此一作此事誰能與問天

湖北有茅齋湖西有松島輕棹往返頗諧素心

因成四韻

湖北湖西往復還朝昏只處自由間暑天移榻就深竹
月夜乘舟歸淺山遠砌紫鱗欹枕釣垂簷野果隔窗攀
古賢暮齒方如此多笑愚儒鬢未班

鑑湖西島言事

慵拙幸便荒僻地縱聽猿鳥亦何愁偶斟藥酒欺梅雨
却著寒衣過麥秋歲計有時添橡實生涯一半在漁舟
世人若便無知己應向此溪成白頭

山中言事

欹枕亦吟行亦醉卧吟行醉更何營貧來猶有故琴在
老去不過新髮生山鳥踏枝紅果落家童引釣白魚驚
潛夫自有孤雲侶可要王侯知姓名

贈蕭山彭少府

作尉孜孜更寒苦操心至癖不為清雖將劍鶴支殘債
猶有歌篇取盛名盡擬勤求為弟子皆將疑義問先生
與君相識因儒術歲月彌多別有情

贈式上人

縱居輦角

一作塵市

喧闐處亦共雲溪邃僻同萬慮全離方

寸內一生多在

一作多生半在

五言中菱荷葉上難停

一作留

雨

松檜

一作桂

枝間自有風莫笑旅人終日醉吾將大醉與

禪通

贈錢塘湖上唐處士

我愛君家似洞庭衝灣潑岸夜波聲蟾蜍影裏清吟苦

舴艋舟中白髮生常共酒杯為伴侶復聞紗帽見公卿

莫言舉世無知己自有孤雲

一作煙霞

識此情



御定全唐詩卷六百五十